

嘉慶東流縣志

序

吳大令渭泉宰東流政聲
最旁邑其為治勤懇
以脩墜起廢為已任而務
順乎民心故政和而事無

不舉縣之志脩於乾隆中
繁簡多失其宜乃招延文
學諮訪耆舊輯而新之於
輿地沿革農田學校前志
所略無不援考精核而其

鄉人士之忠孝廉節嘉言
懿行幽隱而未章者搜採
必周敘述必以實卓然可
以希風古人矣東流漢陂
澤石城兩縣地也始析於

南唐閔宗元以來且千年
自安徽分省而縣與江西
之彭澤界為長江上游
距省會不過百里其山則
蜿蜒盤礴連互徽歙土

壤雖隘六形要所資矣夫
典城司土命之曰知縣苟
其縣之阨塞地利城郭溝
池樹廬謠俗被服飲食有
一不知即不足以副其名坐

堂皇撫鳴琴而求所以知之
惟據圖按籍或庶幾焉余
至安徽於所屬郡縣徵其
志或無有或久故不脩其
條綜可觀者十二三耳將

其智識固不_レ乏_レ以及此歟抑
簿書期會之所迫奪誠有
岌_レ焉日不暇給者歟然
則如渭泉者真無愧於典
城司土者也

嘉慶龍飛二十有三年太
歲在著雍攝提格仲夏
之月

賜進士出身兵部職方司
主事武選司郎中

軍機處行走鴻臚寺少卿
通政司叅議大理寺少卿
兵部侍郎都察院副都御
史巡撫安徽等處地方兼
提督軍門隨帶軍功加三

級紀錄十八次康紹鏞誤

序

國家功令凡州縣志書閱
六十年輒一編纂蓋條例
之詳定教令之要束章程
之遷改歲有變通非隨時

綴錄則考治者無所循而
胥吏或因以詭法其孝子
順孫義夫節婦賢人文士
之事蹟可紀言行可以備
文獻者久湮沒不稱即放

失而莫稽尤非所以表幽
闡微啟勸風俗者也東流
為邑西界江右為安徽門
戶必邇省會

國初操江巡撫駐池州則

縣尤為附省衝要限之以
名川環之以叢山地瘠狹
而民氣醇樸為治者固當
急求於備豫之宜殫意於
安養之道權目前之先務

求前事以為之師舍志乘
其奚所問途哉渭泉吳侯
令東流五年勤於官而惠
於民凡所設施咸有成效
邑志脩於乾隆之二十三

年歷年六十矣乃採掇近
事為之賡續詳攷古典補
其缺遺本末粲然靡不綜
核考前此脩是志者順治
時為蘇侯謨乾隆時為蔣

侯綬皆著循績祀名宦迄
今輿頌未去於口渭泉之
所為豈不足以比蹤二君
乎余承

恩命旬宣是邦每自循省

懼無以周志民隱脩舉廢
墜既以渭泉之能勤厥職
為愧而尤望司土者皆如
渭泉庶幾可以匡其所不
逮也故於其書之咸忻然

序之

嘉慶二十有三年歲在戊

寅仲夏

賜進士出身江南安徽等
處承宣布政使司布政使

山右韓克均撰

敘

東流踞池屬上游背山面
江爲古彭澤地予柴桑人
也里居與今彭澤接壤去
東流二百里而近南北徃

來風帆上下東流爲必經
之地前予宦遊時每過其
處必指而目之以爲晉淵
明之故蹟在焉思泊舟一
拜其祠兼訪其山川風土

一切有關典故者以誌生
平景慕之思方匆匆未暇
也丙子歲余出守池州東
流爲其屬邑吏循例進東
流縣志則乾隆戊寅年間

修也公餘披覽稍得崖畧
嗣東流令吳君渭泉來謁
語次道其邑之建置沿革
及先賢之故蹟近日之風
土人情益詳則以爲幸官

此地得覽其志且與其賢
有司接獲聞所欲聞之爲
快而獨惜舊志之久而漫
漶殘缺卽事例之有待於
增續更正者不少而賢有

司之見聞宣之於口不如
筆之於書之可永也戊寅
春余權安慶篆吳君以新
修縣志告且屬余敘之夫
吳君之政事吾知之矣賑

菑民決疑讞葺城垣施藥
物諸如此者美不勝書而
菊江亭之建今豕宰英樹
琴先生記之併爲之圖以
懸諸亭壁間則吳君之能

興廢舉墜於地方之典故
名人之勝蹟不令湮沒又
可概見茲復於簿書之暇
倡修縣志以垂久遠而脩
采擇若吳君者可謂留心

吏事者矣予旣喜吳君之
治行又以東流有古彭澤
之名其山川風土一切有
關典故者余皆究心焉而
欲得其詳今邑志之修適

在余守郡之時則是書也
以爲志東流也可以爲志
彭澤也可卽以爲志柴桑
也亦無不可因樂爲叙之
俾列名於簡端焉若夫正

其體裁精其考校補遺刪
冗存信闕疑可以行於今
而傳於後則有賢有司之
倡率亦諸君子從事於茲
役者之責也

賜進士出身

特授江南池州府知府前任內

閣中書

軍機處行走

欽命庚申科雲南典試吏部驗

封司主政文選考功司員
外郎掌山西道監察御史

欽命督理五城街道察院

題掌河南道監察御史

欽命巡視北城察院

京察一等奉

旨記名以道府用隨帶加二級
又加三級軍功紀錄四次
尋常紀錄五次潯陽蔡炯
譔

東流縣志序

昔先王省方太史陳風以觀民
而設教故小史之職奠世系辨
昭穆以邦國之志為先外史之
職司三墳掌五典以四方之志

為重志之由來已久矣東流一
邑民貧地瘠三面濱江宰斯地
者理案牘勤撫恤檣帆所集往
過來續巡防稽查日無寧晷以
故縣志之修不暇及也吳君渭

泉於嘉慶十六年冬來宰是邑
越四年卓異引

見回任後政簡刑清百廢俱舉
建學宮補城垣立書院重修天
然塔菊江亭其有功于東流縣

者不可勝述因於稍暇之餘接
見紳士虛心延訪就舊志而重
新之非好勞也蓋

國家功令凡州縣志書之纂不
踰六十年其間風俗之轉移城

市之遷徙民數之增減賦役之
重輕因時而易亦宜隨時而志
况孝義之民節烈之婦尤當急
於表彰以風勵末俗而可使之
湮沒而無稱也哉考縣志之修

始於前明正德間至

本朝則修於順治九年乾隆二
十三年其舊志類皆簡畧少次
序惟蔣君綬所修者較詳而其
中因訛踵謬間或不免渭泉本

其夙昔之延訪者叅以舊志缺
者補之畧者詳之訛者正之失
次者序之複者俚者刪之閱半
載而書始告成夫亦猶行小史
外史之遺意也戊寅歲渭泉調

繁將之太和任

上憲命余代庖於茲乃甫入境
而人物恬熙道塗修治市無刁
悍之子獄少縲紲之囚固宜其
殫厥心於翰墨間也他日者載

之輜軒獻之

朝廷其可以備正史之採擇者
將於是乎在矣是為序時

嘉慶二十三年歲在戊寅季夏
之吉文林郎署東流縣知縣事

任城李書明拙齋氏撰

東流縣志例

志者古外史之遺所以辨地會考文獻備太史之採善
長吏之治爾雅之士以資故實以勸民行者也當仿史
例各成篇局不得條瑣雜誌以壞文體

傳志圖表文家之例非史專名此法不具不可以載事
舊志皆簡略惟蔣君綬所修者較詳而裁取未當分天
文民事等目亦非是今定圖表志傳爲四目目別爲第
一焉

地圖宜用開方法使邑境之廣輪表徑犂然分明隣界
相接處必於圖後詳距某縣治若干里至於鄉鎮坊保

亦必詳其距本城若干里庶幾舉目瞭然絕無淆混舊
圖殊疏

城圖須圖城內街道巷市廨署坐落亦當按里開方舊
圖一縣治已占半城甚疎也

十二景圖竊意無取蓋其地已載在古蹟志若必按景
繪圖繪不勝繪且舊志如厯山遺澤遠而難徵蓮洲春
色望江亦可有之是徒增俚俗也今悉刪去

恒星一度當地二百五十里今縣地南北僅一百八十
里以云分野甚屬恫怛今附其說於疆理志之末而刪
其圖

沿革舊志入於地理非是也沿革所係甚大考之不清則人文亦因而無證矣今統兵爭大事爲紀事沿革表各附其考於後舊志以選舉入學校未盡善也今以學額入學校而已甲乙科別爲選舉志文科貢生及例選雜選皆附焉

職官者官於縣者也名宦政績有何所分舊志殊疎今以職官爲表而以名宦政績合爲良吏傳

舊志於學校中別具禮儀小目今合丁祭及學宮中臥碑書籍爲學校志而附書院鄉飲公儀焉

倉儲民生國計之本不可略也故別出爲倉儲志

兵防以禦攘竊縣之保衛於是乎在舊志入地理中今別爲防志

舊志於祠祀外別立武廟壇壝爲祀典非也今統凡常祀者爲祠祀志至如祠祭儀節載在會典各縣所同本可不必詳者而邑地既僻書籍鮮少脫有所疑取証已難故備列之亦所以昭法守也公式各儀準此

疆域城池津梁坊鎮鄉村物產風俗舊志分入地理民事未爲善也今定爲疆理志爲營建志

山川舊志入地理按山爲縣之保障川資縣之灌溉其關係甚鉅今別爲山水志

溝洫亦縣之要不可勿慎也今別出爲溝洫志

祥異舊志入民事今別爲五行志

藝文載邑人著述舊志競錄詩文非藝文體也今將詩文入於各條之下不可入者別爲下卷首他邑人次官斯土者次邑人以別主客若所載陶淵明李太白等傳按之於縣無與悉刪去而入其事於各條

古蹟宅墓併入地理康海武功縣志如此然太詳則壞志地之體太簡則古人之遺韻易湮未爲善也今別爲古蹟志而以寺觀之不入祀典者附焉

舊志於人物分門甚多分之亦不盡確然于文體尙未

盡背今仍之而略易其標題

列女先節婦次烈婦次貞女皆先旌表者以年爲次失其年者列於後未旌者按年以次已旌之後其現年守節過二十五年逾五十者又次之有年二十以內守節過二十五年年雖未及五十者又次之貞女以守貞二十年爲限庶幾善善從長之意也

藝文人物其現年存者不載惟選舉表不論存亡皆錄一人不得兩載當從其大者載之舊志如宋邦輔等既載鄉賢又載官績非例也今入鄉賢不復入仕宦金繼爵黃謙汪文等亦同此例如周飛鵬附見于周士信之

傳不別作傳亦史法也亦有一人兩載者如宦斯土者
旣載職官表又載良吏傳邑人旣載選與表又載仕宦
傳是各有體不嫌複出也

志尙徵實所以傳信一事一語必据其所自來採自經
史子集者注見某書其或舊所載而未及考者注見舊
志

自序在卷末史遷班固之書皆然今防之作序錄以舊
志各序附焉

東流縣志目錄

安徽池州府東流縣知縣吳箴修

第一卷 圖上

縣境圖

第二卷 圖下

城郭圖

唐豐上鄉圖

唐豐下鄉圖

晉陽鄉圖

維新鄉圖

學宮圖

縣署圖

第三卷 表一

紀事沿革表

第四卷 表二

職官表

第五卷 表三

選舉表

第六卷 志一

疆理志

第七卷 志二

山川志

第八卷 志三

營建志

第九卷 志四

賦役志

第十卷 上下 志五

學校志上

學校志下

第十一卷 志六

東流縣志

卷之

目錄

二

倉儲志

第十二卷 志七

兵防志

第十三卷 志八

祠祀志

第十四卷 志九

溝洫志

第十五卷 志十

五行志

第十六卷上下 志十一

藝文志上

藝文志下

第十七卷上下 志十二

古蹟志上

古蹟志下

第十八卷 傳一

良吏傳

第十九卷 傳二

仕宦傳

第二十卷 傳三

鄉賢傳

第二十一卷 傳四

忠節傳

第二十二卷 傳五

孝友傳

第二十三卷 傳六

文學傳

第二十四卷 傳七

義行傳

第二十五卷 傳八

隱逸傳

第二十六卷 傳九

耆壽傳

第二十七卷上下 傳十

列女傳上

列女傳下

第二十八卷 傳十一

寓賢傳

第二十九卷 傳十二

仙釋傳

第三十卷

序錄

東流縣志卷之一

安徽池州府東流縣知縣吳篴修
圖上


縣境圖

每方十五里


西

（大）

（小）



東



界

比例尺

縣境自西北筭子石至東南黃湓口皆以大江為界江中之洲
凡附于縣者皆屬縣惟城西蓮花洲與望江分治洲之南以汎
為界其西北皆以溝言陽磯之下有吉陽洲與望江懷寧分治
之以黃石磯所對之汎為界筭子石下有傳薪洲新洲與彭澤
分治皆以五猖廟為界筭子石之東屬縣治其西隸彭澤其達
縣治六十五里達彭澤治三十五里自筭子石而東南十五里
至界牌石以小山為界自牌而南二十里至朱家壠以湖邊為
界自壠而東二里至黃金橋橋之南不幾里即彭澤地縣又有
大頭元黎家村雜其中黎家村在黃金橋之西南周可十餘里
去橋八里大頭元在橋之南少東周亦十餘里去橋十六里去

黎家村八里二村之四周皆彭澤地也自黃金橋而東五里至周家山又北十里至何家潭皆以山為界自潭而東北二里至林家沖又東一里餘皆界以河又北行六里折而東行二里又折而南行八里至彭澤之大浩山又東北二里餘至鶴延沖又南二里餘至彭澤之小浩山又北七里至華山口又東南四里至洪朝山又東南二里餘至象獅嶺又東北二里至拋刀嶺又東北二里餘至兩淋尖又北三里至七峯山又東三里至狹山口又東二里餘至佛王嶺又東二里餘折西南行六七里復折而南少東八九里至黃土嶺又北四里至抄雞嶺皆山為界自筭子石至嶺皆與彭澤接壤者也嶺西北屬縣其南隸彭澤其

東隸建德嶺達縣治七十里達彭澤治八十里達建德治四十里自嶺而東少北五里至蕭家嶺又五里至澄滄源又東五里至彭澤嶺少東而北四里至姚家山又折而西四里至師古尖又東北五里至三龍山又二里徐家山又北三里少西至梅嶺又北五里至建東橋皆以山為界自橋而西北二十里至順風嘴以河為界自順風嘴而東十里至牽牛嶺又東四里至歷山又四里至石峽陳向北四里至相安鋪又十里至東田街廣福菴又東二里至官渡皆以山為界自渡而東南循河行八里至上邨又東二里至口上又東三里至曹沖又北十里至雙河口又南六里至洋湖坡皆以河為界自坡而南少東五里至洪家

灣又東北六里至戴家嶺又六里至望江尖又北東八里至銅山坡皆以山為界自抄雞嶺至坡與建德接壤者也坡之西屬縣其東南隸建德其東北隸貴池坡達縣治七十五里達建德治四十里達貴池治百六十里自坡而西北十里至大暑嶺又西五里至分水嶺又西北二里至板橋又北四里至梅峯尖又西一里至大陡嶺又二里至金鈴菴又北四里至界牌又西北三里至幽蘭沖又三里至塔下又六里至龍王嶺又西三里至楊北寨皆以山為界寨南四里至英山又西三里茅岡嘴六里過河至寶定菴又東二十里折而北十五里過黃隘界牌達江口皆以河為界自銅山坡至此與貴池接壤其下之洲以小溝

為界溝之東則懷寧盈字洲也洲達縣治百二十里達黃池治
百九十里達懷寧治三十里右所舉之地皆縣東北之邊界也
其村落距界或里餘或數里不可一彭澤地亦有在縣境者石
皮坂之西北周可數里沱洋湖之西周可數里是也又有撫州
安慶諸衛屯田懷寧磨盤洲在縣境

東流縣志卷一